



*Minggu, 24 Juli 2022*

**Ogen: Kuan-kuanen 31:10**



**Ergan Asangkan Permata**



Cerdik i bas bahasa Indonesiana cakap, teliti, telaten. Bahasa karo rusur si kataken pentar (berhikmat). Lit pemete hna janah pemete h e ilakokenna ras ipakekenna alu pentar. Ikataken pentar erkiteken kai si ilaokenna e erguna man dirina, jabuna, perpulungen ras sekelewetna. I bas ngelakoken kai si enggo ietehna e pe iukurina lebe, gelah ula salah pencibalken. Sabap di kune salah lanai terulahi. Kalak si cerdik ndauh iukurina guna masa depanna mas masa depan jabuna.

Ikataken penulis kitap Kuan-kuanen enda maka diberu si cerdik entah pe pentar, ergan asangken Permata. Nilaina la tertukur ras la tertukur. Kepentaren e rehna i bas Dibata nari, iberekenNa man banta (husuna diberu) alu la nukur, tapi la tertukur erkiteken Dibata si mada kepentaren e. Tupung kepentaren si rehna i bas Dibata nari e ipakeken alu mehuli, i je me teridah kecerdiken e. Bas kai si idah kecerdiken diberu e?

1. Ipakenenna teptep kesempatan si ibereken Dibata alu mehuli.
2. Teptep dahinna ietehna kai gunana man dirina, man jabuna, ras man kalak sideban.
3. Ia nagsup ngukuri masa depanna ras masa depan keluarganya.
4. Alu bersih ukur ia ikelengina perbulangen ras anak-anakna, ikelengina pe kalak si lit isekelewetna.
5. Ipulung-pulungina ulih pendahinna, kenca enggo melala itukurna juma guna inganna erdahin ras suruh-suruhenna. Ikelolana duitna alu mehuli, la ia boros ras la itukurna si lenga perlu.
6. Nggit ia nampati kalak si musil, sabap ietehna rejeki si ialokenna i abs Dibata nari lit je bagin kalak si deban. Sitik pe la aru atena i bas nampati sabap Tuhan pe la pernah ngadi nampati ia ras isi jabuna. Perbahanen diberu si cerdik e me ergan asangken permata. Iajuk kerina Moria gelah ngaloken kepentaren Dibata e dingen ndalankensa i bas kerina dampar kegeluhen.

***Untung pelin-pelin adi kita pentar***



*[The main body of the page is a large, blank white area with a wavy top edge, intended for writing.]*